



Hawaii State Department of Education School Based Medicaid Claiming Program Information and Answers for Families

1. Apay a kiddawen ti Departamento ti Edukasion ti Estado ti Hawaii (Departamento) a maisubli koma ti paset a naibayad iti Medicaid?

Ti linteg pederal ket ipalubosna nga isubli ti Medicaid ti paset ti naibayad kadagiti dadduma a serbisio a mainaig iti salun-at a mailunglungalong-kadagiti-eskuela iti babaen ti Linteg iti Edukasion Kadagiti Individual nga Addaan Disabilidad (Individuals with Disabilities Education Act) wenna IDEA a nairaman iti Programa iti Edukasion a Para iti Individual (Individualized Education Program) ti estudianteng no la ketdi ti estudianteng ket kualipikado para iti tulong medikal babaen ti ahensia ti estado iti Medicaid, ti Med-QUEST.

2. Ania ti mabalina a paisubli a bayad ti Departamento iti Medicaid?

Ti Departamento ket mabalina laeng a kiddawen ti pannakaisubli ti bayad para kadagiti nasken a medikal ken nasken nga edukasional a serbisio a mainaig iti salun-at a nailanad iti IEP ti estudianteng para kadagiti estudianteng a kualipikado a maipaayan iti tulong medikal babaen ti Med-QUEST. Iti agdama, dagiti serbisio a mabalina a kiddawen ti Departamento ti pannakaisubli ti paset ti bayadna babaen ti Med-QUEST ket mabalina nga iramanna dagitoy: dagiti ebaluasion, pisioterapia (physical therapy), terapia okupasional (occupational therapy), dagiti serbisio iti panagdengngeng (audiology services), terapia iti pagsao a lengguahe (speech language therapy), dagiti serbisio iti pagasistir a teknolohia (assistive technology services), dagiti serbisio iti pannakataripato ti salun-at, ken dagiti serbisio iti salun-at ti panunot (behavioral health services).

3. Kasano nga usaren ti Departamento ti kuarta a maalana iti Medicaid?

Usaren ti Departamento ti pondo nga isubli ti Med-QUEST tapno adda gastuenna a pangiyawat kaagiti aktibidad ken kasapulan iti edukasion.

4. Kasapulan kadi ti Departamento ti pammalubos tapno masingirna ti Medicaid?

Wen. Kasapulan a mangala ti Departamento iti pammalubos ti nagannak/agaywan sakbay a makaidatag iti kiddawen iti pannakaisubli ti bayad babaen ti Med-QUEST para kadagiti nasken a medikal ken nasken nga edukasional a serbisio a mainaig iti salun-at a nailanad iti IEP ti estudianteng.

5. Singiren kadi met ti Departamento ti pribado a seguro?

Saan. Saan a singiren ti Departamento ti pribado a seguro para iti ania man a serbisio a nailanad iti IEP ti estudianteng.

6. No ti Departamento ket agkiddawen iti pannakaisubli ti bayad iti Medicaid, maapektaran kadi dagiti serbisio ti Medicaid nga aw-awaten ti anakko iti ruar ti eskuela?

Saan. Dagiti serbisio ti Medicaid a maaw-awat iti ruar ti eskuela ken kadagiti aldaw nga awan serrek iti eskuela ket saanda a kualipikado para iti pannakaisubli ti bayad ta sabali a saritaan daytoy. No dagiti maaw-awat a serbisio iti ruar ket naapektaran, kontakten koma dagiti familia ti Programa Dagiti Kontrata iti Pannakataripato ti Salun-at ken Pannakaisubli ti Bayad ti Departamento (Department's Health Care Contracts & Reimbursement Program) iti (808) 305-9787.

7. Daytoy kadi a proseso ket seknanna dagiti serbisio ti IEP a maipaayto iti anakko?

Saan. Daytoy a proseso ket dina pawilan wenna kissayan ti ania man a serbisio ti IEP para iti estudianteng.



Hawaii State Department of Education
Health Care Contracts & Reimbursement
475 22nd Ave. • Honolulu, HI 96816 • Phone: (808) 305-9787
Fax: (808) 733-9154 • Email: HCCR@notes.k12.hi.us